

Starfsörorkutrygging Lloyd's

Vátryggingasamningurinn

Gegn greiðslu þess iðgjalds sem fram kemur í skírteini samþykkjum við að tryggja þig á vátryggingartíma þessarar vátryggingar, samkvæmt skilmálum þeim og skilyrðum sem fram koma í þessum vátryggingasamningi, fyrir líkamstjóni og/eða **veikindum** á þann hátt og upp að því marki sem tekið er fram í samningi þessum.

Iðgjaldið kemur til greiðslu um leið og tryggingin hefur tekið gildi nema komist sé að öðru samkomulagi. Greiðsla iðgjalds er skilyrði fyrir því að skaðabótaskylda hefjist.

Skírteini

Númer váttryggingaskírteinis:

Samningsnúmer:

Dagsetning tilboðs:

Nafn:

Fæðingardagur og ár:

Heimilisfang:

Starfsheiti:

Gildistími váttryggingar er frá:

til:

að báðum dögum meðtöldum samkvæmt heimilisfangi þínu, og áframhaldandi tímabil sem báðir aðilar komast að samkomulagi um.

Listi yfir tryggjendur hjá Lloyd's:

Númer endurtryggjanda (syndicate No.)	Nafn endurtryggjanda (Syndicate Name / Pseudonym)	Nafn yfiredurtryggjanda (Name of Managing agent)	Hlutfall (Percentage)

Skráð heimilisfang allra tryggjenda hjá Lloyd's er One Lime Street, London, EC3M 7HA, United Kingdom.

Landfræðileg mörk tryggingar:

Gildir um allan heim

Sérskilmálar og önnur skilyrði ef einhver:

Upplýsingar um miðlara:

Iðgjald:

Skattur á iðgjald:

Undirritað af:

Vátryggingamiðlun (Coverholder)

Nafn og heimilisfang vátryggingamiðlunar:

Dagsett í London:

Kostnaður vegna uppsagnar:

Þetta vátryggingarskírteini er aðeins gilt beri það undirskrift vátryggingamiðlunar fyrir hönd tiltekinna vátryggjenda hjá Lloyd's.

Endurtryggjendur (Managing agents) Lloyd's starfa með heimild frá fjármálaeftirliti Bretlands (Prudential Regulation Authority) og starfa undir eftirliti fjármálaeftirlitsins og Financial Conduct Authority. Fyrirtækjanúmer (firm reference numbers) þeirra og aðrar upplýsingar má finna á skrá yfir fjármálaþjónustur á www.fca.org.uk.

VÁTRYGGINGARSKÍRTEINI

Trygging þessi bætir einungis þá liði þar sem fjárhæð er tilgreind. Við þá liði sem bætur greiðast ekki vegna standa orðin „EKKI BÆTT“.

BÆTUR SEM GREIÐAST VEGNA FYRSTA HLUTA: SLYS

1.	Dánarbætur vegna slyss	XXXX GBP
2.	Alger og varanleg örorka Eins og tekið er fram í bótakvarða váttryggingarskírteinis	XXXX GBP
3.	Varanleg hlutfallsleg örorka Eins og tekið er fram í bótakvarða váttryggingarskírteinis	Sú prósentá sem við á að hámarki XXXX GBP
4.	Tímabundin alger örorka	XXXX GBP á viku Á meðan örorka varir að hámarki í 104 samfelldar vikur (bótatími) án tillits til fjölda slysa í daga eftir þann dag sem þú varst fyrst óvinnufær (biðtími).

BÆTUR SEM GREIÐAST VEGNA ANNARS HLUTA: VEIKINDI

1.	Missir sjónar á báðum augum	Xxxx GBP
2.	Alger varanleg örorka	Xxxx GBP
3.	Tímabundin alger örorka	Xxxx GBP á viku Á meðan örorka varir að hámarki í 104 samfelldar vikur (bótatími) án tillits til fjölda veikinda í daga eftir þann dag sem þú varst fyrst óvinnufær (biðtími).

Sá tími sem tilgreindur er hér að ofan telst hámarks bótatími með tilliti til tímabundinnar algerrar örorku, að biðtíma liðnum.

Bætur sem greiðast fyrir afleiðingar af einu **slysi** eða einum **sjúkdómi** greiðast ekki undir fleiri en einum lið hér að ofan. Þar er **tímabundin alger örorka** undanskilin þar sem fyrstu 104 vikurnar geta komið til greiðslu til viðbótar við hverja þá upphæð eingreiðslu sem greiðist.

BÆTUR SEM GREIÐAST VEGNA ÞRIÐJA HLUTA: VIÐBÓTABÆTUR VEGNA SLYSS

1.	Kostnaður vegna breytinga á heimili og vinnustað	Upp að hámarki 3.750 GBP
2.	Sjúkrahúsdagpeningar	Upp að hámarki 50 GBP á dag fyrir hverja 24 klst innlögn sjúklings á löggiltu sjúkrahúsi.
3.	Læknis- og ferðakostnaðarbætur vegna ferðalaga erlendis	Í samræmi við Sjúkratryggingar Íslands, að hámarki 25.000 GBP fyrir hvert slys umfram fyrstu 50 GBP.
4.	Tennur	Að hámarki 3.500 GBP
	Sjálfsábyrgð	Lækniskostnaður 50 GBP Tennur 200 GBP

ÍTARLEGUR LISTI YFIR BÆTUR VEGNA VARANLEGRAR ÖRORKU

Trygging þessi bætir einungis þá liði þar sem fjárhæð er tilgreind í skirteini þínu.

ALGER VARANLEG ÖRORKA - BÓTAKVARÐI

<u>Meiðsli</u>	<u>Greiðanleg prósent</u>
Alger og varanleg örorka	100%
Alger missir sjónar á báðum augum	100%
Missir handleggs og/eða handar	100%
Algert heyrnartap á báðum eyrum vegna áverka	100%
Missir neðri kjálka	100%
Málstol (missir máls)	100%
Missir eins handleggs og/eða fótleggs	100%
Missir eins handleggs og/eða eins fótar	100%
Missir einnar handar og/eða eins fótar	100%
Missir eins fótleggs og/eða einnar handar	100%
Missir beggja fótleggja	100%
Missir beggja fóta	100%

VARANLEG HLUTFALLSLEG ÖRORKA - BÓTAKVARÐI

<u>Meiðsli</u>	<u>Greiðanleg prósent</u>
Missir höfuðbeins í fullri þykkt	
Flatarmál að minnsta kosti 6cm ³	40%
Flatarmál 3-6 cm ³	20%
Flatarmál minna en 3cm ³	10%
Missir neðri kjálka að hluta, hækkunarhluti í heild eða hálftr kjálkabein	50%
Missir eins auga	50%
Algert heyrnartap á öðru eyra	40%
Mikill missir á beinvef í handlegg (afdráttarlaus og óbætanlegur áverki)	50%
Alger lömum handleggs og handar (óbætanlegur taugaskaði)	65%
Alger lömum holhandartaugar	20%
Stífliður í öxl	40%
Olnbogastífliður í hagstæðri stöðu (15 gráður umhverfis rétt horn)	25%
í óhagstæðri stöðu	40%
Mikill missir á beinvef í tveimur beinum framhandleggs (afdráttarlaus og óbætanlegur áverki)	40%
Alger lömum miðtaugar	45%
Alger lömum sveifartaugar við snúningshólk	40%
Alger lömum sveifartaugar í framhandlegg	30%
Alger lömum sveifartaugar í hönd	20%
Alger lömum ölnartaugar	30%
Stífur úlnliður í hagstæðri stöðu (beinn og lófi niður)	20%
Stífur úlnliður í óhagstæðri stöðu (beygður eða spenntur eða lófi upp)	30%
Alger missir þumals	25%
Missir þumalfingurs að hluta (fjærkjúka)	10%
Stífur þumalfingur	20%
Algert brottnám vísifingurs	15%
Brottnám tveggja kjúkna í vísifingri	10%
Brottnám fjærkjúku í vísifingri	5%
Brottnám bæði þumals og vísifingurs á sama tíma	35%
Brottnám þumals auk fingurs annars en vísifingurs	25%

Brottnám tveggja fingra annarra en þumals og vísifingurs	12%
Brottnám þriggja fingra annarra en þumals og vísifingurs	25%
Brottnám fjögurra fingra að þumli meðtöldum	75%
Brottnám fjögurra fingra að þumli undanskildum	50%
Brottnám löngutangar	10%
Brottnám fingurs annars en þumals, vísifingurs eða löngutangar	7%
Brottnám læris (efri hluta)	60%
Brottnám læris (neðri hluta) og fótleggs	50%
Alger missir fótár (milli sköflungs og háristar)	45%
Missir fótár að hluta (undir ökklaþeini)	40%
Missir fótár að hluta (um miðja rist)	35%
Missir fótár að hluta (á mótum ristar og ristarleggslíðar)	30%
Alger lömum fótleggja (ólæknanlegur taugaskaði)	60%
Alger lömum ytri settaugar	30%
Alger lömum innri settaugar	20%
Alger lömum tveggja tauga (innri og ytri settaugar)	40%
Stíflíður í mjöðm	40%
Stíflíður í hné	20%
Missir beinvefs úr læri eða báðum beinum fótleggjar (ólæknanlegt ástand)	60%
Missir beinvefs hnéskel þar sem aðskilnaður beina er talsverður og verulega erfitt er að rétta úr fótleggnum.	40%
Missir beinvefs þar sem hreyfigeta er ekki verulega skert	20%
Stytting fótleggs um að minnsta kosti 5cm	30%
Stytting fótleggs um 3-5 cm	20%
Stytting fótleggs um 1-3 cm	10%
Algert brottnám allra taa	25%
Brottnám fjögurra taa að stórutá meðtalinni	20%
Brottnám fjögurra taa	10%
Stíflíður í stórutá	10%
Brottnám tveggja taa	5%
Brottnám einnar taa annarrar en stórutaa	3%

Varanleg lýti á samantögu svæði á andliti og hálsi vegna örmyndunar sem hljótast af líkamstjóni vegna slyss.

BÆTUR

5-10% af sjáanlegu yfirborði	25%
11-24% af sjáanlegu yfirborði	50%
25% og meira af sjáanlegu yfirborði	100%

Varanleg lýti vegna örmyndunar sem hljótast af líkamstjóni vegna slyss á öðrum líkamshlutum en andliti og hálsi:

BÆTUR

Afmyndun á 5-10% af sjáanlegu yfirborði húðar	10%
Afmyndun á 11-24% af sjáanlegu yfirborði húðar	40%
Afmyndun á 25-49% af sjáanlegu yfirborði húðar	75%
Afmyndun á 50% eða meira af sjáanlegu yfirborði húðar	100%

Efnisyfirlit	Bls
Skilgreiningar	8
Mikilvægar upplýsingar	10
Upplýsingar sem þú hefur veitt okkur	10
Hvernig tilkynna skal um breytingar eða skekkjur	11
Uppsögn á þessari váttryggingu	11
Endurgreiðsla iðgjalds	11
Hvað er bætt	122
Hluti eitt - Slyss	12
Hluti tvö - Veikindi	13
Hluti þrjú - Viðbótarbætur (aðeins vegna slyss)	14
Hvað er ekki bætt	14
Á við um hluta eitt, tvö og þrjú	14
Á einungis við um hluta þrjú	16
Hvernig á að sækja um bætur	16
Það sem þú þarft að gera	16
Hvernig við tökum á bótakröfu þinni	17
Sviksamlegar bótakröfur	17
Hvernig er hægt að leggja fram kvörtun	17
Bætur	18
Lagaval	18
Réttindi þriðja aðila	18
Uppsetning váttryggingarskírteinis	18
Verndun gagna	19

Skilgreiningar

Þar sem eftirfarandi orð birtast feitletruð bera þau þá merkingu sem hér er skilgreind.

Slys	er skyndilegur, óvæntur, óvenjulegur, sérstakur og utanaðkomandi atburður sem á sér stað á ákveðnum stað og tíma á gildistíma váttryggingar .
Bótatími	er sá fjöldi samfelldra vikna sem kveðið er á um í váttryggingarskírteini að greiðist vegna tímabundinnar algerrar örorku.
Líkamstjón	merkir greinanlegan líkamsskaða sem <ul style="list-style-type: none"> - er tilkominn af völdum slyss og - eitt og sér og óháð öðrum orsökum (að undanskildum veikindum eða sjúkdómum sem leiða af líkamstjóninu eða læknismeðferðir vegna þess) leiðir til dauða þíns eða örorku innan tólf mánaða frá slysinu.
Biðtími	er sá fjöldi samfelldra daga sem tilgreindur er í váttryggingaskírteini eftir þann dag sem örorka þín hófst og þarf að líða áður en mögulegt er að hefja greiðslu bóta vegna tímabundinnar algerrar örorku.
Sjálfsábyrgð	Sú upphæð sem þér ber sjálfri/sjálfum að greiða á móti hverri bótakröfu.
Veikindi	á við um veikindi eða sjúkdóm sem sýnir fyrstu einkenni á váttryggingartímabili og sem eru ein og sér og óháð öðrum orsökum völd að algerri örorku þinni innan tólf samfelldra mánaða frá því að fyrstu einkennum koma fram.
Missir útlíma	á við um varanlegt tap vegna líkamlegs aðskilnaðar á hendi við eða ofan við úlnlið eða á fæti við eða ofan við ökkla og felur í sér varanlegan og óbætanlegan missi á hendi þinni, handlegg, fæti eða fótlegg.
Missir sjónar	á við um varanlegan og algeran missi á sjón sem við teljum hafa átt sér stað: <ul style="list-style-type: none"> • á báðum augum ef fullgildur augnsérfræðingur vottar að sjón þín eftir leiðréttingu á báðum augum sé 3/60 eða minna á Snellen skalanum (sem merkir að þú sjáir það sem þú ættir að geta séð í 60 feta (18 m) fjarlægð í innan við 3 feta (1 m) fjarlægð); eða • á öðru auga ef fullgildur augnsérfræðingur vottar að sjón þín á því auga sé 3/60 eða minna á Snellen skalanum (sem merkir að þú sjáir það sem þú ættir að geta séð í 60 feta (18 m) fjarlægð í innan við 3 feta (1 m) fjarlægð).
Tryggingartími	Sá tími sem tryggingin gildir samkvæmt skírteini eða þar til henni er sagt upp.
Alger og varanleg örorka	Merkir algera líkamlega vangetu þess váttryggða sem hlýst af líkamstjóni eða veikindum sem koma algerlega í veg fyrir að sá váttryggði sinni sínum venjulegu störfum sem getið er um í váttryggingarskírteini og sem vara annað hvort samfellt í tólf mánuði og engin von er á bata undir lok þess tíma eða þegar váttryggjendur ákvarða að sá váttryggði sé varanlegur og alger öryrki , hvort sem kemur fyrir.
Varanleg hlutfallsleg örorka	Á við um hlutfallslega örorku sem dregur varanlega úr hæfni þinni til þess að framkvæma suma en ekki alla þætti þinna daglegu athafna sem varir í tólf mánuði samfellt og engin von er um bata undir lok þess tíma. Prósentuhlutfall örorku kemur fram í bótakvarða um varanlega hlutfallslega örorku sem fylgir með hér. Prósentu örorku skal ákvarðast af tveimur óháðum hæfum starfandi sérfræðingum, þar sem þú velur annan þeirra og við hinn. Komi til ágreinings mega þeir tilnefna óháðan þriðja hæfa sérfræðinginn til þess að skera úr um hann og mun hans ákvörðun verða endanleg og bindandi fyrir alla aðkomandi.

Hæfur starfandi sérfræðingur/ar á sviði lækninga	eru aðilar sem skráðir eru hjá Landlækni tiltekins lands með almenn eða sérhæfð réttindi til þess að stunda lækningar, hjúkrun, lyfjafræði og tannlækningar.
Örmyndun	á við um greinanleg, varanleg og sjáanleg ummerki á húð þar sem örvefur hefur myndast í stað venjulegra vefja sem eyðilagst hafa í líkamstjóni.
Skírteini	þær blaðsíður þessa skjals þar sem fram kemur nafn þitt, váttryggingarupphæðir, gildistími váttryggingar og þeir hlutar þessarar tryggingar sem eiga við.
Tímabundin alger örorka	á við um örorku sem hindrar þig að öllu leyti í því að sinna þínu daglega lífi og störfum.
Við	Váttryggjendur hjá Lloyd's sem eiga hlut að þessari tryggingu.
Þú	sá einstaklingur sem tilgreindur er í skírteini.
Miðlari þinn	Váttryggingamiðlari eða milliliður sem fram kemur í skírteini og kom á þessari tryggingu fyrir þig.

Mikilvægar upplýsingar

Þetta skjal, skírteinið, og hverjir þeir sérskilmálar sem fylgja mynda váttrygginguna þína. Í váttryggingu þessari eru settir út skilmálar váttryggingarsamningsins á milli þín og okkar. Vinsamlegast lesið allt skjalið vandlega og haldið því til haga á öruggum stað.

Vinsamlegast athugið að innan þessarar tryggingar eru aðskildar tryggingar fyrir líkamstjón sem hlýst af slysi og því sem hlýst af veikindum.

Mikilvægt er að:

- Þú athugir hvort upplýsingarnar í skírteininu séu réttar og að í skírteininu komi fram þeir hlutar sem þú hefur óskað eftir að séu tryggðir (sjá hlutann um „upplýsingar sem þú hefur veitt okkur“);
- Þú tilkynnir okkur ef upplýsingar í skírteini eru ekki réttar eða ef eitthvað af þeim upplýsingum breytist (sjá hlutann um „hvernig tilkynna skal um breytingar og skekkju“);
- Þú farir eftir leiðbeiningum í hlutanum „Það sem þú þarft að gera“ ef til bótakröfu kemur (sjá bls 16, skyldum þínum undir hverjum hluta og skyldum þínum undir váttryggingunni í heild sinni).

Sé ekki farið eftir ofangreindu gæti það haft neikvæð áhrif á váttrygginguna þína eða hverja þá bótakröfu sem þú kannt að gera.

Upplýsingar sem þú hefur veitt okkur

Þegar við samþykkjum þessa tryggingu og setjum skilmála hennar og iðgjald, treystum við á þær upplýsingar sem þú hefur veitt okkur. Þú verður því að gæta þess að allar upplýsingar sem þú veitir okkur og svör við þeim spurningum sem við spyrjum séu réttar og nákvæmar.

Ef í ljós kemur að þú hafir viljandi eða í kæruleysi veitt okkur rangar eða misvísandi upplýsingar munum við fara með þessa váttryggingu eins og hún hafi aldrei verið til staðar.

Ef í ljós kemur að þú hafir af gáleysi veitt okkur rangar eða misvísandi upplýsingar gæti það haft neikvæð áhrif á váttryggingu þína og bótakröfur. Til að mynda gætum við ákveðið að:

- fara með þessa tryggingu eins og hún hafi aldrei verið til staðar og neitað að greiða bætur vegna hennar og endurgreitt greidd iðgjöld. Þetta gerum við aðeins ef við veittum þér váttryggingu sem við hefðum ekki boðið með réttar upplýsingar undir höndum; eða
- breyta skilmálum váttryggingar þinnar. Við gætum sett þessa breyttu skilmála á váttrygginguna afturvirkir ef gáleysi þitt hefur neikvæð áhrif á bótakröfu þína; eða
- segja upp váttryggingu þinni í samræmi við „uppsögn á þessari váttryggingu“ hlutann.

Við eða miðlarinn þinn munum hafa samband við þig ef við:

- Ætlum að fara með þessa váttryggingu eins og hún hafi aldrei verið til staðar; eða
- Þurfum að breyta skilmálum váttryggingarinnar þinnar; eða
- Ef við krefjumst þess að þú greiðir meira fyrir váttrygginguna þína.

Hvernig tilkynna skal um breytingar eða skekkjur

Ef þú verður þess meðvitaður að upplýsingarnar sem þú hefur veitt okkur séu rangar eða hafi breyst verður þú að upplýsa miðlara þinn um það eins fljótt og auðið er.

Þegar við erum upplýst um það að upplýsingarnar sem við höfum áður fengið séu ekki réttar munum við láta þig vita hver áhrif þess verða á váttryggingu þína. Til að mynda gætum við aðlagð skilmála váttryggingar þinnar, krafist þess að greitt sé meira fyrir trygginguna eða sagt upp váttryggingunni í samræmi við hlutann um „uppsögn á þessari váttryggingu“.

Tilkynnir þú okkur ekki um það að upplýsingarnar sem þú veittir okkur séu ekki réttar eða um breytingar gæti þessi váttrygging orðið ógild og þá er ekki vist að bótakrafa verði greidd að fullu eða yfirleitt.

Uppsögn á þessari váttryggingu

Þú getur sagt þessari váttryggingu upp með því að hafa samband við miðlara þinn og skila inn undirrituðu uppsagnareyðublaði með 30 daga skriflegum fyrirvara.

Við getum sagt þessari váttryggingu upp með 30 daga skriflegum fyrirvara. Það gerum við aðeins af gildri ástæðu (dæmi um gildar ástæður eru):

- Iðgjald ekki greitt;
- Breytingar á áhættu sem þýðir að við getum ekki lengur veitt þér váttryggingu
- Skortur á samvinnu eða skortur á þeim upplýsingum eða skjölum sem við óskum eftir, eða
- Ógnandi hegðun eða hótanir og óviðeigandi talsmáti.

Ef af einhverjum ástæðum endurnýjun tryggingar er hafnað eða iðgjaldi og/eða skilmálum tryggingarinnar er breytt við endurnýjun mun 60 daga fyrirvari vera gefinn.

Endurgreiðsla iðgjalds

Þessi váttrygging ber 30 daga iðrunarfrest frá upphafsdegi váttryggingartímabils

Ef þú segir þessari tryggingu upp áður en iðrunarfresturinn rennur út, að því gefnu að þú hafir ekki gert kröfu til hennar, munum við endurgreiða þér að fullu allt það iðgjald sem þú hefur greitt.

Ef þú segir þessari tryggingu upp áður en iðrunarfresturinn rennur út, að því gefnu að þú hafir ekki gert kröfu til hennar, átt þú rétt á endurgreiðslu þeirra iðgjalda sem þú hefur greitt að undanskildum þeim tíma sem þú varst tryggð/ur. Endurgreiðslan er þá reiknuð út hlutfallslega. Ef þú hefur til dæmis verið tryggð/ur í sex (6) mánuði verður helmingurinn af ársiðgjaldi endurgreiddur.

Ef þú segir váttryggingunni upp eftir að iðrunarfresturinn hefur runnið út leggst á viðbótargjald, eins og fram kemur í skírteini, sem er til þess að greiða fyrir kostnað við trygginguna.

Ef við greiðum bótakröfu, að fullu eða hluta, er engin endurgreiðsla möguleg.

Hvað er bætt

Hluti eitt - slyss

Þessi hluti fjallar aðeins um bótakröfur sem falla innan skilgreiningar um líkamstjón af völdum slyss en ekki vegna veikinda.

Hvað er bætt

Við greiðum þær bætur sem fram koma í skírteini ef þú verður fyrir líkamstjóni, á meðan á váttryggingartímabili stendur, sem leiðir af sér:

1. Andlát af slysförum - bætur verða greiddar út samkvæmt erfðalögum, nema annars sé sérstaklega óskað í umsókn eða á öðru viðeigandi eyðublaði.
2. **Algera varanlega örorku** eins og tilgreint er í bótakvarða.
3. **Varanlega hlutfallslega örorku** eins og tilgreint er í bótakvarða.
4. **Tímabundna algera örorku**.

Skilyrði

1. Séu dánarbætur ekki innifaldar í váttryggingu og slysið leiðir af sér andlát þitt innan tólf (12) mánaða frá dagsetningu slyss, greiðast engar bætur aðrar en fyrir tímabundna algera örorku þann tíma sem bótaréttur á við á milli slyss og andláts.

2. Séu dánarbætur innifaldar í váttryggingunni og slysið leiðir af sér andlát þitt innan tólf (12) mánaða frá dagsetningu slyss og áður en endanlegt uppgjör farið fram á bótagreiðslu fyrir örorku undir liðum 2 til 4 hér á undan, greiðast aðeins hámarksbætur sem fram koma í skírteini undir lið 1 - andlát, til viðbótar við þær bætur sem þegar hafa verið greiddar vegna tímabundinnar algjörar örorku.

3. Bætur vegna algerrar varanlegrar örorku og hlutfallslegrar varanlegrar örorku greiðast ekki fyrr en tólf (12) mánuðir hafa liðið frá þeim degi sem líkamstjónið átti sér stað. Komi til þess að hlutfallsleg örorka verði alger, greiðist aðeins sú hámarksupphæð sem tilgreind er í skírteini undir lið 2 - varanleg hlutfallsleg örorka til viðbótar við þær bætur sem þegar hafa verið greiddar vegna tímabundinnar algjörar örorku.

4. Séu dánarbætur innifaldar greiðast þær einnig ef kemur til þess að þú hverfir. Dánarbætur greiðast þó aðeins vegna hvarfs ef:

- a) jarðneskar leifar þínar finnast ekki innan tólf (12) mánaða frá hvarfi og hægt er að sýna fram á fullnægjandi gögn sem sýna óvæfengjanlega fram á það að þú hafir orðið fyrir líkamstjóni og þau meiðsli hafi leitt til dauða þíns; og
- b) sá eða þeir aðilar sem taka við upphæðinni skrifa undir skuldbindingu um að endurgreiða upphæðina til okkar ef þú reynist vera á lífi.

5. Séu bætur vegna hlutfallslegrar varanlegrar örorku eða algjörar og varanlegrar örorku innifaldar þurfa tveir ótengdir hæfir sérfræðingar að meta örorkuna, þar sem þú velur einn þeirra en við hinn. Komi til ágreinings mega sérfræðingarnir tveir tilgreina þriðja sérfræðinginn sem sker úr um ágreininginn og er hans niðurstaða bindandi fyrir alla aðila.

6. Hafir þú greitt fyrir algera varanlega örorku og/eða varanlega hlutfallslega örorku er upphæðin sem kemur fram í skírteininu þínu sú hámarkupphæð sem greidd er undir þessari váttryggingu. Bótakvarðinn sýnir hlutfall örorku og þær heildarbætur sem mögulegar eru komi til þess að þú hljótir líkamstjón af völdum slyss sem leiðir til einhverrar af þeirri örorku sem talin er upp. Atvinna þín er ekki tekin með í reikninginn.

7. Heildarupphæð bóta sem greiðast vegna fleiri en eins líkamstjóns sem tilkomin eru af sama slysinu reiknast með því að leggja saman þau prósentustig sem tilgreind eru í bótakvarða en má ekki fara yfir 100% af váttryggingarupphæðinni sem tilgreind er í skírteininu þínu. Til að mynda yrði samanlögð prósentu algers heyrnarmissis á öðru eyra og algerrar lömunar holhandartaugar (40% og 20% hvort um sig) samanlagt 60% sem er þá sú prósentu sem greiðist af þeirri upphæð sem kemur fram í skírteininu þínu undir varanleg hlutfallsleg örorka.

8. Sé um að ræða varanlega örorku sem ekki er tiltekin í bótakvarðanum munum við meta örorku þína í samræmi við ráðleggingar hæfs sérfræðings með því að bera saman prósentur sem fram koma í kvarðanum.

9. Komi til þess að bætur séu mögulegar fyrir fleiri en eitt atriði undir hlutfallslegri varanlegri örorku getur heildarupphæðin ekki farið yfir 100% af þeirri upphæð sem tilgreind er í skirteini þínu undir lið 3.

10. Bætur vegna tímabundinnar algerrar örorku greiðast mest fyrir þann hámarks fjölda vikna sem tiltekinn er í skirteini þínu að loknum biðtímanum sem tilgreindur er þar einnig. Dagpeningar sem greiðast fyrir hverja viku greiðast ofan á aðrar greiddar bætur fyrstu 104 vikunnar en greiðslu þeirra lýkur þann dag sem **alger varanleg örorka** er staðfest eða við andlát þitt.

11. Bætur vegna tímabundinnar algerrar örorku sem greiðast fyrir hluta úr viku eru reiknaðar eftir hlutföllunum einn á móti sjö og greiðast því fyrir hvern dag sem örorkan varir í tiltekinni viku.

12. Trygging undir þessu hluta er einungis í boði fyrir einstaklinga undir 70 ára aldri, að því undanskildu að tryggingin hafi verið í gildi í samfellu tvö ár áður en einstaklingur náði 70 ára aldri. Hafi svo verið gildir þessi hluti til 75 ára aldurs.

Hluti tvö - veikindi

Þessi hluti fjallar aðeins um þær bótakröfur sem falla undir veikindi og fjallar ekki um bótakröfur vegna líkamstjóns.

Hvað er bætt

Við munum greiða þær bætur sem fram koma í bótakvarða í skirteini ef þú veikist alvarlega á váttryggingartímabili með þeim afleiðingum að þú:

1. tapir sjón á báðum augum.
2. Hljótir varanlega algera örorku.
3. Hljótir tímabundna algera örorku.

Skilyrði

1. Verði veikindi völd að dauða þínum innan tólf (12) mánaða frá því að einkenni koma fram áður en mögulegt er að krefjast bóta undir lið 1 eða 2 hér fyrir ofan munum við aðeins greiða þér bætur undir lið 3.
2. Bætur vegna tímabundinnar algerrar örorku greiðast ekki lengur en í þann fjölda vikna sem tiltekinn er í skirteini þínu að loknum biðtíma. Bætur fyrir hverja viku greiðast ofan á allar aðrar bætur fyrir fyrstu 104 vikunnar en hætta að greiðast frá þeirri dagsetningu sem **varanleg alger örorka** er staðfest.
3. Bætur vegna tímabundinnar algerrar örorku sem greiðast fyrir hluta úr viku eru reiknaðar út þannig að hver dagur örorku telst til eins sjöunda bótaupphæðar.
4. Trygging undir þessu hluta er einungis í boði fyrir einstaklinga undir 60 ára aldri, að því undanskildu að tryggingin hafi verið í gildi í samfellu tvö ár áður en einstaklingur náði 60 ára aldri. Hafi svo verið gildir þessi hluti til 65 ára aldurs.

Hluti þrjú - Viðbótarbætur (aðeins vegna slyss)

Þessi hluti fjallar einungis um bótakröfur sem falla undir skilgreininguna líkamstjón og fjallar ekki um bótakröfur vegna veikinda. Þessi hluti veitir viðbótarvernd komi til þess að bótakrafa greiðist eingöngu undir hluta 1.

Hvað er bætt

1. Breytingar á heimili og vinnustað
2. Sjúkrahúsdagpeningar
3. Endurgreiðsla vegna læknis- og ferðakostnaðar á ferðalagi erlendis
4. Tennur

Skilyrði

1. Sé samþykkt leitað hjá okkur fyrir fram munum við endurgreiða allt að 80% af kostnaði þínum að hámarki 3.750 GBP fyrir nauðsynlegan, sanngjarnan kostnað við breytingar á heimili þínu í kjölfar algerrar og varanlegrar örorku. Við endurgreiðum einnig 80%, að hámarki 3.750 GBP fyrir nauðsynlegar breytingar á vinnustað þínum til þess að mæta þörfum þínum í kjölfar algerrar og varanlegrar örorku.
2. Við greiðum 50 GBP fyrir hvern heilan sólarhring sem þú dvelur í innlögn á sjúkrahúsi sért þú lögð/lagður inn á skráð sjúkrahús í kjölfar líkamstjóns í að hámarki 60 daga.
3. Verðir þú fyrir líkamstjóni á meðan þú ert á ferðalagi utan Íslands og þurfir tafarlaust að leita læknisþjónustu hjá hæfum starfandi sérfræðingi, munum við endurgreiða þér útlagðan lækniskostnað upp að því hámarki sem tilgreint er í skírteini þínu. Þar er meðtalinn nauðsynlegur kostnaður vegna læknisþjónustu, skurðlækninga eða annarrar læknisþjónustu eða meðferðar sem veitt er af hæfum starfandi sérfræðingi. Þar er einnig talinn nauðsynlegur kostnaður, sem ekki er hægt að fresta þar til komið er til Íslands, vegna lyfja, sjúkrahúsdvalar, hjúkrunarheimila og sjúkrabifreiða. Við höldum svo áfram að greiða þann lækniskostnað sem þú stofnar til eftir komu þína til Íslands og er ekki greiddur af Sjúkratryggingum Íslands, í allt að tvö ár frá slysdegi. Þurfir þú á heimahjúkrun að halda munum við bæta þér kostnað við að ráða starfandi hjúkrunarfræðing eða heilbrigðisstarfsmannskju í hámark 30 daga.
4. Verðir þú fyrir líkamstjóni á meðan þú ert á ferðalagi utan Íslands og þurfir að leita tafarlaust til hæfs starfandi sérfræðings munum við einnig endurgreiða þér kostnað sem er innan skynsamlegra marka vegna viðbótar ferða- og gistikostnaðar sem snýr að flýtttri heimferð þinni vegna meiðsla upp að hámarki 500 GBP fyrir hverja bótakröfu. Einnig er innifalinn kostnaður vegna annarra einstaklinga sem þurfa að ferðast með þér, verða eftir með þér eða fylgja þér aftur til Íslands. Hafir þú leigt út heimili þitt á meðan á ferð þinni erlendis stóð munum við greiða þér allt að 75 GBP á dag fyrir hámark 30 daga.
5. Trygging þessi greiðir viðgerðir á heilbrigðum og/eða vel lagfærðum tönnum, sem brotna vegna slyss. Undir þetta falla ekki slys sem verða vegna tyggingar. Hámarks bótafjárhæð er GBP 3.500 með GBP 200 sjálfsábyrgð. Tryggingin greiðir einungis bætur vegna tanna sem ekki eru greiddar af öðrum aðilum. Getur það til að mynda átt við um Tryggingastofnun og hennar hlutdeild í tannlæknakostnaði.
6. Allar auka bótageiðslur falla undir hámarksupphæð sem verður dregin af heimilum kostnaði þínum undir hverri einni bótakröfu og er tiltekin í skírteininu þínu.

Hvað er ekki bætt

Á við um hluta eitt, tvö og þrjú

A. Þessi váttrygging bætir ekki á nokkurn hátt kröfur sem hafa orðið til vegna:

1. Stríðs, hvort sem stríði hefur verið lýst yfir eða ekki, ófriðar eða einhvers konar stríðs eða borgarastríðs;

2. Notkunar á eða ógnunar með sjúkdómsvaldandi eða eitruðum lífrænum eða tilbúnum efnum sem staðið er að af fólki sem ætlar sér að hafa áhrif á ríkisstjórn og/eða hræða almenning eða ákveðinn hluta almennings af pólitískum, trúarlegum, hugmyndafræðilegum eða einhverjum áþekktum ástæðum.
3. Kjarnahvarf, kjarnageislun eða mengun af geislavirkum efnum;
4. Þátttöku þinnar í herþjónustu eða aðgerðum á vegum hers;
5. Sjálfvígis eða tilraunar til sjálfsvígis eða sjálfsskaða;
6. Kynsjúkdóma eða alnæmis (AIDS), vægra einkenna AIDS (ARC) eða HIV hvaða nafni sem þeir kallast eða hvernig sýkingin hefur borist;
7. Þess að þú stofnir þér viljandi í mikla hættu (nema til þess að bjarga mannlífi);
8. Þess að þú fremjir glæp;
9. Þess að þú hafir verið undir áhrifum áfengis, eiturlyfja eða lyfja annarra en þeim sem ávísað hefur verið af starfandi lækni og yfir þeim mörkum sem teljast lögleg til þess að aka bifreið í því landi sem þú ert akandi í.
10. Taugaveiklunar, sálrænnar taugaveiklunar, siðvillu eða geðrofs, kvíða, álags, þreytu eða annarra andlegra eða geðrænna raskanna;
11. Krónískra verkjasjúkdóma, þar á meðal en ekki bundið við króníska eða flókna staðbundna verkjasjúkdóma eða vefjagigt (sjúkdóm sem einkennist af krónískum verkjum í vöðvum og mjúkum vefjum í kringum liði, þreytu og aumum punktum á tilteknum svæðum líkamans (kvikupunktur);
12. Ástands, hvort sem það hefur verið greint eða ekki, sem þú hefur leitað læknisráðs, greiningar, meðferðar eða ráðgjafar yfir eða sem þú varst eða ættir að hafa verið meðvituð/aður um þegar váttryggingin tók gildi eða sem þú þurftir að leita meðferðar við á einhverjum tímapunkti á síðustu þremur (3) árum áður en váttryggingin tók gildi;
13. Meðgöngu eða fæðingar nema hún þróist í fylgikvilla sem er greindur af **hæfum sérfræðing** eða ráðgjafa sem er sérhæfður í fæðingarfræðum;
14. Andlát þitt af völdum **veikinda**.

B. Þessi váttrygging greiðir ekki bætur eða hluta af bótum vegna örorku sem er tilkomin vegna víxlverkunar líkamstjóns og annars heilsufarsástands.

C. Höft

Ekki verða greiddar nokkurs konar bætur vegna þessarar tryggingar þar sem slíkt yrði til þess að brjóta nokkurs konar lagaleg höft, bönn eða takmarkanir.

D. Aldur

Slysabætur (hluti 1) greiðast ekki til einstaklinga 70 ára og eldri að því undanskildu að tryggingin hafi verið gild í samfelld tvö ár fyrir 70 ára afmæli einstaklingsins. Hafi svo verið getur einstaklingur haldið tryggingunni til 75 ára aldurs.

Bætur greiðast ekki vegna **veikinda** (hluti 2) til einstaklinga sem eru 60 ára eða eldri nema tryggingin hafi verið í gildi í samfelld tvö ár áður en einstaklingur náði 60 ára aldri. Hafi svo verið má halda tryggingunni til 65 ára aldurs.

Hvað er ekki bætt - á einungis við um hluta þrjú

Þessi váttrygging greiðir ekki bætur vegna bótakrafna sem hafa á einhvern hátt orðið til vegna:

1. **Veikinda**
2. Meðferðar sem veitt er meira en 24 mánuðum eftir að líkamstjónið átti sér stað.
3. Kostnaðar vegna valkvæðra lýtaaðgerða.
4. Venjubundar meðferðir hjá tann- og augnlæknum, gervitennur, gleraugnaumgjarðir, gleraugnagler eða linsur.
5. Meðferðir hjá hnykkjara, sjúkráþjálfara eða óhefðbundnar lækni meðferðir nema með þeim hafi verið mælt af þeim **sérhæfða starfandi lækni** sem sinnir þér og verið samþykkt af **okkur**.
6. Kostnaðar við áframhaldandi reglubundna meðferð við ástandi sem meðferð hófst við áður en váttryggingartímabil hófst eða áður en hinn váttryggði hóf störf, hvort sem kemur síðar.
7. Kostnaðar sem fellur undir endurgjaldslaust heilbrigðiskerfi á við evrópska sjúkratryggingakortið, íslenska sjúkratryggingakerfið eða aðrar váttryggingar.
8. Kostnaðar vegna venjubundinna læknisrannsókna og -eftirlits, athugana og skimana nema þær tengist **líkamstjóni vegna slyss**.
9. Eiturlyfja eða lyfja sem ekki var ávísað af **sérhæfðum starfandi lækni**.
10. Kostnaðar sem er tilkominn vegna þess að ráðum **sérhæfðs starfandi læknis** var ekki fylgt.
11. Upphæð sjálfsábyrgðar sem tekin er fram í **skirteini** verður dregin af öllum lögumætum kostnaði sem verður til við hverja eina bótakröfu.
12. Fæðingargalla eða meðfædda sjúkdóma

Hvernig á að sækja um bætur

Það sem þú þarft að gera

Þú þarft að fylgja þeim kvöðum sem settar eru fram hér fyrir neðan. Ef við komumst að þeirri niðurstöðu að þú hafir ekki fylgt þessum kvöðum og það þannig haft neikvæð áhrif á bótakröfu þína getum við neitað greiðslu eða lækkað þær upphæðir sem við greiðum fyrir hvert tjón.

1. Lendir þú í slysi eða veikindum sem valda eða kunna að valda því að þú gerir bótakröfu til þessarar váttryggingar verður þú að gera eftirtalið eins fljótt og auðið er:

- a) leita til tilhlýðilega hæfs starfandi læknis; og
- b) tilkynna miðlara þínum.

2. Þú verður að veita **okkur** eða læknisfræðilegum ráðgjafa **okkar** allar nauðsynlegar heimildir til þess að fá aðgang að eða útvega allar læknaskýrslur, punkta og bréfaskipti vegna þess sem snýr að bótakröfunni eða tengdu heilsufars ástandi sem var fyrir (eins og lýst er í A.12 á blaðsíðu 16). Læknisfræðilegi ráðgjafinn þarf að fá leyfi til þess að rannsaka þig á þann hátt sem við teljum nauðsynlegan svo hægt sé að meðhöndla kröfuna þína.

3. Þú verður að sjá miðlara þínum fyrir öllum þeim upplýsingum sem við kunnum að óska eftir og þar á meðal útfylltu eyðublaði fyrir bótakröfu.

4. Allar bótakröfur undir þessari tryggingu þurfa að berast til okkar í gegnum váttryggingamiðlara þinn innan eins árs frá því að kringumstæður bótakröfunnar koma upp.

Þú getur aðeins gert kröfu til eins (1) liðs sem talinn er upp í váttryggingarskírteini með tilliti til afleiðinga af einu slysi eða einum veikindum.

Hvernig við tökum á bótakröfu þinni

Þegar þú tilkynnir miðlara þínum um bótakröfuna munum við senda þér eyðublöð sem þú þarft að fylla út og skila til okkar.

Þegar búið er að samþykka bótakröfuna munum við greiða þér þá upphæð sem tiltekin er á viðkomandi stað í váttryggingarskírteini.

1. Hámarks bótatími hvað viðkemur tímabundinni algjerri örorku verður sá bótatími sem kemur fram í skírteini og hefst að loknum biðtíma.

2. Heildarupphæðin sem greiðist undir þessari váttryggingu hvað viðkemur hverri einni (1) eða fleiri bótakröfum verður ekki hærrí en hæsta upphæðin sem tiltekin er undir hverjum einstökum lið í skírteini.

Sviksamlegar bótakröfur

Gerir þú sviksamlega bótakröfu undir þessum váttryggingarsamningi:

- (a) Erum við ekki bótaskyld; og
- (b) Megum við gera kröfu um endurgreiðslu á hverjum þeim bótum sem við höfum þegar greitt; og
- (c) Einnig tilkynna þér um uppsögn samningsins frá þeim tíma sem sviksamlega krafan hófst.

Nýtum við rétt okkar undir lið (c) hér að ofan:

- (a) Berum við ekki bótaskyldu gagnvart þér varðandi nokkurn viðeigandi atburð sem orðið kann að hafa á þeim tíma. Viðeigandi atburður er hver sá atburður sem setur af stað bótaskyldu undir váttryggingarsamningi (svo sem tjón, bótakrafa eða tilkynning um mögulega bótakröfu); og
- (b) Okkur ber ekki skylda til þess að endurgreiða greidd iðgjöld.

Hvernig er hægt að leggja fram kvörtun

Markmið okkar er að tryggja að öllum hliðum váttryggingar þinnar sé sinnt á eins fljótleган, vandvirkan og sanngjarnan hátt og mögulegt er. Við viljum alltaf veita þér eins góða þjónustu og auðið er.

Allar formlegar kvartanir ættu í upphafi að vera sendar til:

Tryggingamiðlun Íslands
Hlíðasmári 12
200 Kópavogur
Sími: 553-6688
Netfang: tmi@tmi.is

Endurtryggjandi þinn hjá Lloyd's, AXIS Managing Agency Ltd, eða það fyrirtæki hér að ofan sem þeir hafa valið til dæma í formlegri kvörtun þinni fyrir þeirra hönd, mun staðfesta móttöku kvörtunar þinnar skriflega innan fimm virkra daga.

Endurtryggjandi þinn hjá Lloyd's, AXIS Managing Agency Ltd, eða það fyrirtæki hér að ofan sem þeir hafa valið til dæma í formlegri kvörtun þinni fyrir þeirra hönd, mun leggja kapp á að senda þér niðurstöður sínar, skriflega, eigi síðar en átta vikum frá því að kvörtun var gerð.

Sért þú enn ósáttur við niðurstöðu formlegu kvörtunnar þinnar, eða þú hefur ekki fengið niðurstöðu senda innan átta vikna frá því að kvörtunin var gerð, stendur þér til boða að vísa kvörtun þinni áfram til Fjármálaeftirlitsins:

Úrskurðarnefnd í váttryggingarmálum
Höfðatún 2
105 Reykjavík
Ísland
Sími: 520 3700
Fax: 520 3727
Netfang: urskvatr@fme.is

Kvartanir hafa ekki áhrif á rétt þinn til þess að leita lögfræðilegrar aðstoðar.

Bætur

Váttryggjendur Lloyd's eru tryggðir hjá *Financial Services Compensation Scheme*. Mögulegt er að sækja rétt sinn þangað sjái váttryggjandinn hjá Lloyd's sér ekki fært að standa undir skuldbindingum sínum.

Ættir þú rétt á bótum undir þessu kerfi fer upphæð og umfang bótanna eftir eðli þessarar váttryggingar. Frekari upplýsingar um *Financial Services Compensation Scheme* má nálgast hjá þeim sjálfum (PO Box 300, Mitcheldean, GL17 1DY) og á vefsvæði þeirra: www.fscs.org.uk.

Lagaval

Þér og okkur er frjálst að velja þau lög sem liggja að baki þessari váttryggingu. Þessi váttrygging mun fara að íslenskum lögum og falla undir íslenska dómstóla nema annað sé tekið fram og samþykkt í þessum samningi.

Réttindi þriðja aðila

Einstaklingur sem ekki er aðili að þessari váttryggingu á engan rétt, undir *Contracts Act* (réttindi þriðja aðila) frá 1999, til þess að knýja fram nokkurn af skilmálum þessarar váttryggingar en það hefur ekki áhrif á rétt eða úrræði þriðja aðila sem er utan þessa ákvæðis.

Uppsetning váttryggingarskírteinis

Sé þess óskað getum við útvegað enskar útgáfur af váttryggingunni og fylgiskjölum, þar á meðal lykilstaðreyndir, á blindralettri, hljóðútgáfu eða í stærra prenti. Þarfnist þú annars sniðs á skjölunum getur þú haft samband við þann váttryggingamiðlara sem þú gerðir samninginn við.

Í þessum samningi um váttryggingu koma fyrirtækjanúmer okkar fram og þau hlutföll sem við eigum í tryggingunni í meðfylgjandi töflu. Við erum skuldbundnir hver í sínu lagi en ekki sameiginlega, það er, ef til bótakröfu kemur er hver um sig (auk skiptastjóra og forráðamanna okkar) aðeins ábyrgir fyrir sínum hluta af ábyrgð fyrirtækisins.

Þú eða fulltrúi þinn getur fengið að vita nöfn okkar og okkar hlutfall af ábyrgðinni með því að hafa samband við markaðsþjónustuna, Market Services, Lloyd's, One Lime Street, London EC3M 7HA.

Við störfum eftir leyfi *Prudential Regulation Authority* og reglum *Financial Conduct Authority* og *Prudential Regulation Authority*.

Upplýsingar um tilvísunarnúmer (Firm Reference Number) okkar og fleiri upplýsingar má finna á skrá yfir fjármálaþjónustufyrirtæki (Financial Services Register) á www.fca.org.uk.

Verndun gagna

Fyrirvari vegna persónulegra upplýsinga þinna.

Hverjir erum við:

- A) Við erum váttryggjendurnir hjá Lloyds - Axix Managing Agency Limited, Syndicate 2007
- B) Við erum Tryggingamiðlun Íslands (TMÍ) - váttryggingamiðlun með samstarf við Lloyd's og fulltrúar váttryggjandans hjá Lloyd's í því að koma á váttryggingarsamningi og annast framkvæmd hans.

Grundvallaratriðin:

Við söfnum og notum viðkomandi upplýsingar um þig til þess að koma á og veita þér váttryggingarvernd sem gagnast þér og til þess að uppfylla lagalegar skyldur okkar.

Þessar upplýsingar eru til að mynda nafnið þitt, heimilisfang og upplýsingar um það hvernig við getum haft samband við þig auk annarra upplýsinga sem við söfnum um þig í tengslum við váttryggingarvernd þína. Þær upplýsingar kunna að vera viðkvæmari eins og upplýsingar um heilsu þína og mögulega refsidóma.

Við vissar kringumstæður kunnum við að þurfa samþykki þitt til þess að vinna úr ákveðnum flokkum af upplýsingum um þig (þar á meðal viðkvæmum upplýsingum um til að mynda heilsu þína og möguleg refsidóma). Þar sem við þurfum samþykki þitt til þess munum við biðja um það sérstaklega. Þér er ekki skylt að gefa samþykki þitt og þér er leyfilegt að draga það til baka hvenær sem er. Veitir þú hins vegar ekki samþykki þitt eða dragir það til baka kann það að hafa áhrif á getu okkar til þess að veita þér váttryggingarvernd, greiða þér bætur eða meðhöndla bótakröfur þínar.

Tryggingar virka á þann hátt að upplýsingum þínum kann að vera deilt með og þær nýttar af ýmsum þriðju aðilum í tryggingageiranum, til að mynda váttryggjendum, umboðsmönnum eða miðlurum, endurtryggjendum, tjónafultrúum, undirverktökum, eftirlitsaðilum, löggæsluadilum, eftirlitsaðilum með glæpum og svikum og tryggingagagnagrunnum. Við munum aðeins gefa upp persónulegar upplýsingar þínar í tengslum við þá váttryggingarvernd sem við veitum og upp að þeim mörkum sem krafist er af okkur og leyfilegt samkvæmt lögum.

Upplýsingar sem þú veitir okkur um annað fólk:

Veitir þú okkur eða váttryggingamiðlara þínum upplýsingar um annað fólk er þér skylt að láta það vita.

Þarfnast þú meiri upplýsinga?

Nánari upplýsingar um það hvernig við förum með persónulegar upplýsingar þínar er að finna í heildar tilkynningu okkar um verndun gagna sem fáanleg er á vefsíðum okkar.

Samskipti við okkur og réttindi þín:

Þú hefur rétt hvað varðar þær upplýsingar sem þú veitir okkur, þar á meðal rétt til þess að fá aðgang að þeim. Viljir þú nýta þér rétt þinn og ræða það hvernig við nýtum upplýsingarnar þínar eða fá meiri upplýsingar er þér frjálst að hafa samband við váttryggingamiðlara þinn eða okkur.

Tryggingamiðlun Íslands ehf.
Hlíðasmári 12
201 Kópavogur
Netfang: tmi@tmi.is
Vefsvæði: www.tmi.is

Axis Managing Agency Limited
21 Lombardi Street
London
EC3V 9AH
United Kingdom
Netfang: dpo@axiscapital.com
Vefsíða: www.axiscapital.com



One Lime Street London EC3M 7HA

Þessi texti er þýðing úr ensku og ef fram kemur munur á íslensku og ensku útgáfunni gildir súa enska. Mögulegt er að nálgast skilmálana á bæði ensku og íslensku á heimasíðu Tryggingamiðlunar Íslands, www.tmi.is